

E Índice di Confiansa di Consumidor a baha cu 3,7 punto di indice na 92,7 den e promer trimester di 2026.

Comunicado di prensa¹


Banco Central di Aruba (BCA) a conclui e Encuesta di Confiansa di Consumidor pa e promer trimester di 2026. E encuesta di confiansa di consumidor ta evalua e percepcion economico di e consumidor local.

Preocupacion principal di consumidor den e promer trimester di 2026 pa e siguiente 6 lunanan:

- Deterioracion den e situation di negoshinan y di e economia a subi na 68% (2025-IV: 36%).
- Alrededor di 53% di e respondentenan ta premia cu lo ta mas dificil pa haya un trabou nobo (2025-IV: 32%).
- Como 41% di respondentenan ta premia cu e posicion financiero di gobierno lo empeora (2025-IV: 31%).
- Como di 35% di e respondentenan ta premia cu e situacion financiero di nan hogar lo deteriora (2025-IV: 13%).

Consumidornan a keda pesimista, mirando cu e Índice di Confiansa di Consumidor a baha cu 3,7 punto di índice na 92,7 den e promer trimester di 2026 (mira Grafico 1)².

Grafico 1: Índice di Confiansa di Consumidor a baha den e promer trimester di 2026.




Fuente: Banco Central di Aruba

¹ E version original na Ingles ta prevalece,

² E índice por varia entre 90 y 110. Entre 90 y 100, e índice ta muestra un situacion di pesimismo. Un índice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e índice ta muestra un situacion di optimismo den pensamiento di consumidornan

E Indice di Habito di Consumidor a baha cu 4,4 punto di indice te na 93,3 durante e promer trimester di 2026. E Indice di Situacion Actual y e Indice di Expectativa tur dos a baha den e promer trimester di 2026 cu 3,8 punto di indice te na 92,5 y 3,6 punto di indice te na 92,7, respectivamente. Mientrastanto, e Indice di Expectativa di Prijs a baha un poco te na 90,2 durante e promer trimester di 2026 (mira Grafico 2).

Grafico 2: Resultado di Indice di Confiansa di Consumidor den e promer trimester di 2026.



Fuente: Banco Central di Aruba

Prijsnan mas halto den e proximo 6 lunanan ainda ta keda un preocupacion grandi pa e respondentenan, como cu 96% di consumidornan ta premira cu den e siguiente 6 lunanan prijsnan lo ta mas halto. Respondentenan cu a indica cu nan no por "cumpra mesun hopi cu nan entrada compara cu 6 luna pasa" a subi cu 13 punto di porcentahe te na 93% den e promer trimester di 2026. Pa locual ta e respondentenan cu a expresa cu nan ta spaar menos, esaki a crece cu 14 punto di porcentahe te na 46% den e promer trimester di 2026.

E relato completo di e Encuesta di [Confiansa di Consumidor](https://www.cbaruba.org) ta disponibel ariba website di BCA www.cbaruba.org

Banco Central di Aruba

19 juni 2026



Tocante Banco Central di Aruba

E proposito principal di Banco Central di Aruba (BCA) ta pa contribui na estabilidad financiero y prosperidad economico di e comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solides y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta vigila e uzo di esaki.

Pa mas informacion tocante Banco Central di Aruba, por bishita su website www.cbaruba.org

CENTRALE BANK
VAN ARUBA

